

4. april 2019

UPA2019/110

Tugtupitsip nunatsinni pinneraasiassatut pisortatigoortumik nunatta ujaraatut toqqarneqarnissaanik kiisalu pilersaarummik aammalu avammut niuernermit ussassaarusiornissamut periusissiamik UPA 2020-imut saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Inuit Kalaallit Nunaanni najugaqavissut ujaqqanik pinneraasiassanik suliaqarnerminni aningaasaqarnerisa siuarsarneqarnissaat matumani suliniuteqarnermi siunertarineqarpoq.

(Inatsisartunut ilaasortaq Múte Bourup Egede, Inuit Ataqtigiit)

Siumumiit siunnersuuteqartoq Inatsisartunut ilaasortaq Múte Bourup Egede, Inuit Ataqtigiinninngaaneersoq qujaffigissuarput.

Siunnersuuteqartup siunnersuuteqarnermini siunertarivaa Kalaallit Nunatsinni ujaqqat pinneraasiassat ilaat tuttupitsip pisortatigoortumik nalunaarsorneqarnissaa. Kiisalu sanaluttartut aamma oqariartuuteqarnerat aallaavigalugu iluanaaruteqalersinnaalluarneranik oqariartuuteqartut ilannguppai. Nunamiullu allat tuttupitsiutaat aningaasarsiorluarnartutut eqqaasaat allaaserisamini ilannguppai.

Soorunalimi Siumut-miit nunatta ujaraannik tunisassioq pitsaanerpaamik aningaasarsiutaasinnaanera tamakkiisumik taperserparput aamma anguniartuarlugulu. Siumumiit pingaartipparput nunatta ujaraattaannik ineriartortitsineq aallartittualersoq pinneraasioq eqqarsaatigalugu taperserluassallugu. Siumut-miillu aallartinneq kinguarsarusunnagu taperseruinerput attakusupparput.

Siumut-miit isumaqarpugut Naalakkersuisut suliamik nunatta ujaraanik misissuinerit suli annertuumik ingerlanneqassasut. Siumut-miimmi pingaartipparput nunatta ujaraannik misissueqqissaarnerup tamakkiisumik ingerlajuarnissaa, kiisalu Kalaallit Nunatta ujaraannik aningaasarsiortuarsinnaanngornissaq pitsaasumillu tunngavilimmik paasissuteqalernissaq tamatsinnut iluaqutaasusseq Siumut-miit isumaqarpugut. Tamaammat siunnersuummut Naalakkersuisut akissutaat ilalerparput.

Mala Høyr Kúko
Siumut